

[Inicio](#) [Información](#) [NormativaXeral](#) [Organización](#) [Prestación SS.SS](#) [Formación](#)

Nota informativa sobre SIUSS/SIUSSGAL

Migración de SIUSS a SIUSSGAL

Proximamente o programa SIUSS vai a pasar a estar aloxado nun servidor propio da C.A.

A denominación que pasará a ter será SIUSSGAL.

A data prevista para a migración de datos de SIUSS para SIUSSGAL será o vindeiro 23 de xaneiro de 2017, de tal forma que o programa SIUSS deixará de estar dispoñible a partir das 16 horas do día 23/01/2017, momento no que se iniciará a dita migración. Todas as persoas que teñan acceso a SIUSS deberán ter pechada a aplicación a esa hora, coa finalidade de evitar problemas.

En principio, o día 24/01/2017 xa estará dispoñible e operativo SIUSSGAL, nun novo enderezo web, con todos os datos de SIUSS incorporados. O enderezo web de SIUSSGAL lle será comunicado nos vindeiros días.

En todo caso, por prudencia, aconséllase non poñer citas en "Cita Previa" de SIUSS para o día 24 de xaneiro, para evitar posibles contratempos con elas.

Solicítase e agradécese a colaboración de todas e todos as/os profesionais dos servizos sociais comunitarios para informar de calquera disfuncionalidade que poda xurdir, se fose o caso, a través do enderezo de correo electrónico soporte.siuuss.ctb@xunta.es ou dos tfños.: 981547330 e 981542974.

Integración de SIUSSGAL coa HSUE

Finalmente recórdase que, SIUSSGAL vaise integrar coa Historia Social Única Electrónica (HSUE) e que, coa finalidade de impulsar e facilitar a posta en funcionamento da HSUE nas entidades locais de toda a comunidade autónoma, foi asinado un Convenio de colaboración entre a Xunta de Galicia e a FEGAMP (<http://www.fegamp.gal/sites/default/files/artigos/descargas/2016-cvhistoriasocialelectronica.pdf>), que prevé a adhesión por parte de cada concello mediante a sinatura dun protocolo que figura como Anexo ao texto do convenio.

Neste convenio recóllense as obrigas da Xunta de Galicia con relación a garantirlles o acceso á plataforma HSUE aos profesionais das entidades locais, incluíndo o acceso a SIUSSGAL (cláusula undécima, dispoñibilidade dos sistemas), xunto co emprego da información da HSUE para os fins recollidos no Decreto 89/2016 (cláusula duodécima, uso da historia social única electrónica pola administración autonómica).

Tamén regula as obrigas das entidades locais con relación ao compromiso do impulso, promoción, difusión e uso axeitado dos servizos electrónicos postos a disposición coa plataforma HSUE (cláusula décimo terceira, utilización dos servizos), en relación ao emprego da información da HSUE para os fins recollidos no Decreto 89/2016 (cláusula decimo cuarta, uso da HSUE polas entidades locais) e en relación ás obrigas en materia de protección de datos persoais derivadas da posta en funcionamento do sistema de HSUE (cláusula décimo quinta, protección de datos).

Con respecto a isto último, o convenio recolle, conforme ás previsións do Decreto 89/2016, o papel da Xunta de Galicia como responsable do ficheiro dos datos de carácter persoal xestionados a través da HSUE, e mais o papel das entidades locais como encargadas de tratamento, establecéndose as implicacións derivadas para as entidades locais (deber de información, exercicio de dereitos, medidas de seguridade). Por todo o anterior, a adhesión a este convenio é moi conveniente para os concellos de cara a evitar situacións de inseguridade xurídica no tratamento de datos de carácter persoal por parte dos servizos sociais comunitarios municipais.

Información ás entidades locais

A vindeira semana o Director Xeral de Inclusión Social enviará un correo aos alcaldes e ás alcaidesas para informalos da posta en marcha deste proceso de migración e mais para recordarlles a conveniencia de formalizar a adhesión ao Convenio de colaboración entre a Xunta de Galicia e a FEGAMP coa finalidade de mellorar a seguridade xurídica no tratamento de datos de carácter persoal por parte dos servizos sociais comunitarios municipais en todo o relativo a SIUSSGAL e a HSUE.

Nova relacionada

Convenio Xunta - Fegamp para a implantación da HSUE nas EELL
Data publicación: 24-11-2016

[Información adicional](#)

[Imprimir](#)



© Xunta de Galicia. Información mantida e publicada na internet pola Xunta de Galicia
Aviso legal | Caixa de suxestións | Mapa Web | Accesibilidade

Ola MAT00051,

[Rematar sesión](#)